

FOLASAGA MO LE FAIAOGA

Ina ia e saunia faaleagaga e aoao atu lenei lesone, faamolemole ia faitau ma mafaufau loloto i mea nei:

Ona o le Pau o Atamu ma Eva, o le a oo ai i tagata uma le oti faaletino. A tatou oti, o le a tuueseese o tatou agaga ma o tatou tino. Ina ua toetu Iesu Keriso, na toe tuufaatasia Lona tino ma Lona agaga, e le mafai lava ona toe tuueseeseina. Ona o le Togiola a Iesu Keriso, o le a toetutu ai tagata uma (tagai 1 Korinito 15:22; Alema 11:42–45). O se malamalamaaga ma se molimau o le Toetu e maua ai e i tatou le olioli ma le faamoemoe (tagai Isaia 25:8; Alema 22:14).

GAOIOIGA E AOO AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Tala Faaali atu le ata o i le itulau 122. Faasino i vaega o le ata a o e faamatalaina le tala i le Toetu o Iesu Keriso i se auala faigofie (tagai Ioane 19:41–42; 20:1, 11–16). O se faaitaiga lea:

Ina ua maliu Iesu, sa faanoanoa Ana uo (*fai i tamaiti e foliga faanoanoa*). Sa latou tuuina le tino o Iesu i se tuugamau, lea e pei o se ana (*faasino i le tuugamau i le ata*). Sa faataavale ane se maa lapoa e tuu i luma o le faitotoa (*fai i tamaiti e faafoliga e faataavale se maa tele ma le mamafa*). Ina ua mavae aso e tolu (*fai i tamaiti e tuu i luga tamatamailima e tolu*), na faataavale ese e ni agelu se toalua le maa. Na manaomia le toe ola mai o Iesu! (*Faasino ia Iesu i le ata*.) Na toetu o ia (*fesoasoani i tamaiti e fai mai “toetu”*). Na matua fiafia lava uo a Iesu! Na toe ola mai o Ia, ma e le toe maliu lava o Ia!

O Maria o se tasi lea o uo a Iesu (*faasino ia Maria i le ata*). Sa faanoanoa o ia ina ua maliu Iesu. Ina ua toetu Iesu, o Maria le tagata muamua lava na vaai ia te Ia. Sa fiafia tele o ia ina ua toe ola mai Iesu (*fai i tamaiti e faaali folia fiafia*).

Ta’u atu i tamaiti, ona o Iesu, o le a toetutu ai tagata uma ma ola e faavavau. Fai i tamaiti e toe faaali foliga fiafia.

Pese Usu pe fai atu le fuaiupu muamua o le “Pe Na Toe Soifua Moni Mai Ea Iesu?” (*Tusipese a Tamaiti*, 45) ma fai ia taga o loo i lalo. Valaaulia tamaiti tou te faia faatasi

Pe na toe soifua ea Iesu?

Ioe, i le aso tolu, (*tuu i luga tamatamai lima e 3*)

Na toe tu mai le tuugamau;

Maria ua valaau. (*piilima lima*)

Faaiuga Valaaulia tamaiti e fai mai, “Na toetu Iesu Keriso,” e tasi pe lua upu i le taimi. Ta’u atu sau molimau puupuu i tamaiti na toetu Iesu Keriso.

Tatalo Valaaulia se tamaitiiti e faia le tatalo faaiu.



MOTUGAAFA FAAFAIAOGA

Iesu Keriso: E tele aganuu e i ai tu ma aga o le Eseta e malie mo tamaiti ae laitiiti lava se fesootaiga ma le Toetu o Iesu Keriso. Ia faaogatonu le lesone leni o le Eseta i le Faaola, ma fesoasoani i tamaiti ia faatupula’ia lo latou alofa mo Ia. Aooo i latou ia fiafia i meaalofo matagofie ua la tuuina mai ia i tatou, e pei o le Toetu ma Ana aooaga ma faaitaiga atoatoa.

Pese: O nisi o tamaiti atonu o le a le pepese ma oe. E tusa lava pe na o taga latou te faia pe na o le matamata lava ma faalogologo atu ia te oe, e mafai lava ona latou fiafia i le pese ma aooo mai ai.

Molimau: Faailoa atu lau molimau i se auala faigofie ma maoti; mo se faaitaiga: “Ou te iloa na toetu Iesu Keriso.”

SAUNIUNIGA *Mo le tala:* Kopi le ata tusi o i le itulau 123. Valivali ona faapipii lea i luga o pepa malo, pe a mananao ai. Oti ese faatagata taitasi ma fai se avanoa mo le faitotoa o le tuugamau i luga o laina togitogi.

Mo le gaoioiga valivali: Fai se kopi o le itulau 123 mo tamaiti taitoatasi. Oti ese faatagata taitasi ma fai se avanoa mo le faitotoa o le tuugamau.

Pese Valaaulia tamaiti e tutu i se li'o ma uulima. Usu pe fai atu upu o le pese "Ua Toetu Iesu" (*Tusipese a Tamaiti*, 44) ma fai ia taga o loo i lalo:

Ua Toetu Iesu, (*savavali i se li'o*)

La tatou uo.

Tatou fiafia ua; (*taofi ma tuu le lima i luga o le fatu*)

Toetu o Ia.

Ia fai soo pe a mananao ai tamaiti.

Tala Toe faamatala le tala i le Toetu o Iesu Keriso, i le taimi la lea ia faa-aoga ia ata tusi ua uma ona oti mai. O loo i lalo se faaitaiga:

(*Amata i le faatagata o Iesu o loo tu sa'o ma le maa ua tulei ese mai le faitotoa o le tuugamau.*) Ina ua


maliu Iesu, na faataoto lona tino i

le tuugamau (*faataatia le faatagata o Iesu i totonu [tua] o le tuugamau*). Sa fuli ane se maa lapoa i luma o le faitotoa (*fuli le maa i luma o le avanoa i le tuugamau*).


I le aso lona tolu na oo mai ni agelu se toalua ma fuli ese le maa (*fuli ese le maa mai le avanoa*).

Na toetu Iesu (*faatu sa'o i luga le faatagata o Iesu*). Na toe faatasi Lona agaga ma Lona tino! [Tagai Susan Payson, "Easter Story,"

Friend, Aperila 1995, 32–33.]



Valivali Ave i tamaiti ata na e otiti mai mo i latou. Faaali i ai le auala latou te faaagaina ai ata e toe faamanatu ai le tala o le Toetu o Iesu. O lenei gaoioiga e fetau lelei mo tamaiti matutua.



MOTUGAAFA FAAFAIAOGA

O gaoioiga e filifili ai ua saunia mo oe e faapoopo atu i le lesona pe a e manao ai. Afai e le maua mea e manaomia e faaoga, e mafai ona sui ai nisi mea e tali tutusa lava.

Tala: "E fiafia tamaiti laiti e toe faamatala faafia ni tala. Afai e toe faamatala se tala, ia amata ona fesili lea, O le a le mea na sasoo ai?" " (O *Le Aaoo Atu, E Leai Se Isi Vala-auga e Sili Ai*, 191–92). Valaaulia se tasi o tamaiti matutua atu e faaoga ia ata otiti po o le ata o i le itulau 122 e faamatala ai le tala i le Toetu i tamaiti laiti ifo o le vasega pepe. Ofo atu le fesoasoani pe a manaomia.

Pusa o gaoioiga: Mafaufau e fai se pusa o gaoioiga e tuu i le potu o le vasega. E mafai ona tuu ai le tusi na e faia mo le lesona lenei ma isi mea e te faia pe faaoga mo isi gaoioiga. Ona mafai foi lea ona e toe faia gaoioiga na i vasega i le lumanai e toe faamanatu ai lesona ua maea. E mafai ona faia lea toe faamanatu i soo se taimi lava i le vasega



